

e taata loa, e ere te Tavana e te haava, o tei hanaaro i te hoe hohoa o tei enei *vea*, afaia mai ia e 3 farane no na avae etoru.

Faaau mai ia Tepito te nei parau i Papeete.

# TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taao, e te ma taata e haapao i te tau raa taao, e tia ia ia neni atoa hia ta ratou mau parau faaite i roto i tei enei *vea*, ia afaia mai rati 1 farane no te reni hoe.

Faaau mai ia Tepito te nei parau.

## RE NO TE FAAITOITORAA

### I TE TANU RAA I TE RAITI.

*E horoa hia te hoe Re e pachanere farane (500) na te mataeinaa, te Taiete, e aore ra, te taata, nana te Aua Raiti i hau roa i te maitai e te nenehe.*

*Ei aua rarahi ra, e hia te horoa raa i tei enei Re, ia ono umi i te roa, e ia ono hoi umi i te aano, e ia rahi atura, rahi noa tu ia.*

*Ia pau te maa i te ohi hia mai ra, e afaia hia i tei enei Re.*

### PARAU TOROA.

No te faatia raa a tona hanahana POMARE, te Arii vahine o te mau fenua Totaie, e te Tavana, te Aavaha o te Repupirita.

Ua faatorohia tei enei mau taata i muri nei i te mau Toroa i faaite hia i raro nei.

Vairaa e, ei Mutoi no Teavaro, ei mono ia Tainanu tei faaore hia te toroa no te haapao ore.

Te vahitua ei mutoi no Tiarei, ei mono ia Maroaha tei pohe aenei i te tahi avae nei.

Pihatai, ei raatira mutoi no Papeete, ei mono ia Homee, tei ani mai ia faaore hia tona toroa no te mai.

Tara, ei mutoi no Papeete ei mono ia Pihatai tei faatoroa hia ei raatira mutoi.

Papeete, 1 no ditema 1851.

Te Arii vahine o te mau fenua Totaie, Te Tavana, te Aavaha o te Repupirita,

Papahia: POMARE. Papahia: BONARD.

Papahia te hohoa i te fare toroa o te ee,

Te ee o te Tavana,

Papahia: LOUBERE.

*Parau no te puta fenua, e te puta no te faaipoipo raa, te fanau raa e te pohe raa.*

Eiaha ehoma ia moe ia outou te mau parau i faaite hia tu ia ou-

tou i roto i te tahi mau *vea* i oti aenei; ua faaite pabu hia tu hoi outou i te huru o tei enei mau parau, te maitai e te faufaa e roa mai ia outou. E ere te reira vahi te mea hio taiata; ia papai hia te mau fenua toa i roto i te hoe puta vai raa fenua; e te ioa hoi o te fatu o taua mau fenua ra, e riro ia i te iti roa te mau parau raa fenua o te faatupu mai i te ino i roto ia outou, te fenua ia outou iho, e te hahae raa hoi i to outou na mau fetii. Ua ite hoi outou, e no tei enei mau maro raa fenua i amahamaba i outou, i faa e ai te tahi fetii i te tahi, e i tupu ai te amuamu e te ohumu i roto i te fetii hoe nei.

E mea maitai aenei tei reira? E haapao raa tia aenei ia? E ere aenei i te mea maitai, ia imi i te ravea e ore atu ai te reira mau peu ino? Eaha ra te ravea? Teie o te faaite hia tu ia outou na i te tahi mau *vea* i nenei hia aenei; maori ra, tei enei puta vai raa fenua. Te na reira hia nei to te mau fenua maramarama toa, e no reira ore i tu pu ai te maro raa fenua i te reira mau fenua mai teie i Tahiti nei te huru.

Eiaha ra o te puta vai raa fenua nae ra, ia haapao noa outou i te reira nae ra. eaha te hopea no te reira, ia faa e teie mau ui taata i mua nei, e ia tupu te maro raa fenua ra, hio noa ihora ia i roto i tei enei puta i taua fenua ra, e te ioa o te fatu. Eita ra e itea taua fatu ra ua moe ia. o te oia nae ra vai noa i. Ova ra te fatu o taua ioa ra. E eaha te mea e itea i te fatu mau? Teie te ravea, te tamau maitai raa i te ioa tumu no te fetii, ia tau maitaia to te metua ioa i nia i te tamaiti e ia taua tamaiti ra hoi, ia topa maitai oia i nia i taua tamaiti; a tuu noa i te hoe ioa ta e mai te haapao e te tuati atu i taua ioa tumu ra.

Eita toa ia e iti, e rahi ia ia taua mau maro raa fenua ra. E haapao atoa ra outou i taua parau i faaite hia tu ia outou ra, maori ra, te tamau maitai raa i te ioa tumu o te metua ra. Eiaha toa ia vahi ia moe ia outou, te binuhinu raa ia o tei enei puta vai raa fenua. O te ravea ia e ore e moe ai te au raa o te fetii, te au raa o te tahi i roto i te tahi.

Te ite atoa nei outou i te tahi mau parau e tupu haere nei i tei enei mau anoutau; te titau haere raa te tahi i to te tahi ioa, e te haafetii raa o te tahi i te tahi. Te na o haere noa nei te parau a te tahi pae, E metua oe no'u, E tamaiti oe na'u. E tuahine tera no'u i te fenua ra i mea. Ahio na; ahiri te mau fetii atoa i haapao i te ioa tumu o te metua ra, e ia tuu hia e te metua i nia i te tamaiti, e ta te reira tamaiti i nia i tana, e ore ia te reira mau parau e tupu, E itea maitai hia ia te tumu o te fetii, e te au raa o te fetii.

E riro paha te tahi pae i te na o e, te ite nei matou i to matou fetii, aore ia i moe ia matou, ore noa tu a te haapao i te reira, e ore to matou fetii e moe, e ore te taata e, e o mai i roto i to matou fetii. Oia ia, te ite nei ia te taata i tona fetii. E ite piori ra to te tahi pae, aore i maramarama maitai, ahiri i papai haere hia, e riro ia i te mea ta maitai roa. Eiaha ra e na reira te parau, no te mea, te itea noa hia nei te taahi haere raa, e te haafetii haere raa hoi i te mau mahana toa nei i roto i te mau maro raa fenua.

Teie ra, e homa te ravea hopea i tei enei parau e maitai roa tu ia, maori ra, tei te papai atoa raa i roto i te hoe puta i te mau faaipoipo raa, te fanau raa o te taata e te pohe haere raa hoi, ia na reira toa hia hoi e maitai ai. Eita roa ia e poapea i te maro raa fenua, Eita ia e manaonoa, eita toa hoi ia ino e tupu; E itea pabu raa hia ia, tei taoto mai i roto i to te tahi fetii, te fanau mai no i roto i taua taoto raa ra, e tei pohe atu hoi no roto i te fetii. Eore ia e maro hia a muri ae, ho te mea te vai ra tei enei puta ei ite.

Ahio maitai mai na ra ehoma i tei enei parau e a haamano mai-

tai iho. Ia riro e i manao raa na outou i te po, e ia matara roa i roto i to outou na mau manao. E ia tae i tei nei iriti raa ture i mua nei; ia vai maramarama noa outou, i tei nei tau parau, e ia ite outou i te maitai e te faufaa rahi e naupa ia outou no te haapao raa i tei nei pue parau, e ia faatia hua ture outou ei ture no te fequa nei.

### TE TERE O TE TAVANA NA TAHITI.

No tei nei mau mahana iino e te ua i mairi ai te tere o te Tavana te Auvaha o te Repupirita i tei nei tau mahana. Eita ra e maoro. ua laere atu oia e faaati haere i to outou na mau mataeinaa; e riro paha ei tei nei mahana pae i mua nei, e aore ia, ei tei nei mahana maa e haere atu ai oia. Ua ite e hōma outou i to te Tavana tere i haere atu ai oia i to outou na mau mataeinaa, no te hiopoa haere raa i te mau haapii raa, te mau purumu, te mau aua hau e te mau aua a te hui raatira i roto i te mau mataeinaa i Tahiti nei.

Teie ra te tia, e faaitoitomaitai iho outou i tei nei tau mahana rii e toe nei ei faaitoitō raa na outou i roto i to outou mau mataeinaa, ei faanehehe raa i te mau haapii raa, ia maururu te Tavana i te reira e ia haamaitai atu. E faanehehe nei maitai iho hoi i to outou mau purumu e te mau araturu, ia maururu maitai atoa oia i te reira. E oia toa hoi i te mau aua hau, e te mau aua toa a te hui raatira, ia hio haere te Tavana i te reira, e ia haamaitai atu ia outou no te reira mau ohipa. Ia maururu hoi te Tavana e tia i, Eiaha mai te mea ia hoi mai oia, e ia papai hia i roto i te VEA te mataeinaa ia o mea e mataeinaa hupehype ia e te Tavana paruparu i nia iho. E mea haama roa tura ia. A rohi ra, inaha aita rea tau mahana rii toe, ua fatata roa.

### NO TE MAUHAAPII RAA.

I roto e hōma i te mau re e hōroa haere hia na te mau haapii raa e toru e aore ia e maha ta'u re nehehehe roa, tei haapao hia no, te reo farani. E mea tia i roto i taua mau haapii raa i haamata hia i te haapii i te reo farani ra, ia faaitoitō maitai atoa iho i tei nei tau mahana, e ia taio maitai mai i te parau no roto i taua reo ra i te Tavana nei.

Ua parau hia e hoe ahuru tau haapii raa i haapii i te reo farani, tei faaite hia mai nei ia. Tera taua mau haapii raa ra, tei Papeete i te haapii raa a te mau vahine pope, Papeuriri, Papara, e na mataeinaa toa e ono i Ana. E mea rahi mau a ia no tei nei matahiti matahiti, area ra i tei nei matahiti i mua nei, Eiaha ia e faaea i reira, a rahi roa, e ia ati roa te mau haapii raa toa, ia haapii anae hia i te reo farani e tia'i.

No te mau peu faaapu e tuha haere hia na roto i te mau mataeinaa.

Ua faaite mai nei te Komite i faatoroa hia e te Tavana, e e mea rahi roa te hoo i taua mau peu faaapu ra i Tahiti nei. E no te rahi o te hoo o taua mau peu ra, uamanoa te Tavana e o temoni te tuba hua tu na te mataeinaa; e ua tupu a toa hoi tona manao, e papai i te fenua papaa hoo ai i taua mau peu no te faaapu raa ra, a uta mai ai i Tahiti nei, no te mea e mama ia te hoo i reira. Teie ra na peu i huru rii mama mai te hoo i Tahiti nei, maori rā te tohitōhi e te toi rii nei; mai te mea te hinaaro rā te tahi mau

mataeinaa i te reira, e tia ia hoo noa i o nei nei.

## PARAU FAAITE.

E faatia hia tehoe fare rapaau raa mai e Miti BLONDEAU taote tahito a te Hau, i Papeete nei, i te mahana 15 o tei nei avae, ei PORA, taua fare ra tia'i.

### PARAU FAAITE I TO MOOREA.

Te faaite hia 'tu nei to Moorea, e ia hoi mai te Tavana i te faaati raa i Tahiti nei, ei reira oia e haere ai i Moorea.

I te huru o te parau rii i faaroo hia no te mau haapii raa i Moorea, aore roa ia i nehehehe maitai te vai hupehupe noa'ra. E rohi rā, e faaitoitō maitai iho i teie tau mahana e toe nei, e ia nehehehe maitai te mau haapii raa, e ia rahi te ite e te paari o te mau tamarii. Eiaha hoi ia na muri i to Tahiti nei.

### PARAU RII API.

I te tahi rui no novema nei, ua eia hia te fare o Victor, e afata te taoa i riro, ua i te ahū e te moni atoa hoi tei roto. E ia tae i te hoe mahana i muriho, ua itea taua afata i eia hia ra i Vainini ore, e te atoa i roto i te faaite hia hia ia aore i rave hia; area ra te moni, ua afai e hia ia, aore a i itea mai.

E parau rahi roa tei roto i te hoe taua hōma i te mau nei i o nei no Baratane mai i te hoe faaitō aua rahi pahi i tei reira fenua: ua faatere te hoe pahi iti tira piti no Amerika i Baratane o Amerika te ioa o taua pahi iti ra; e ia tae i reira, ua tupu tehoe faaitō hemo raa, o taua pahi iti ra o Amerika te tahi pae e te mau pahi rii faaieie o te feia mana e te feia taoa no baratane te tahi pae, e ua hemo taua mau pahi atoa ra aore te tahi i toe i taua pahi iti no Amerika ra.

### NO TE MAU AUA HAU.

E moni ta tei nei mau mataeinaa i muri nei no te hoo raa i te uhi e te umara i toe iho i roto i te fare toa.

|                                                                                                                                                          |        |
|----------------------------------------------------------------------------------------------------------------------------------------------------------|--------|
| Papeete, e piti paero uhi e te afa                                                                                                                       | 37 50  |
| Paea, e piti ahuru ma vau haapee umara hoo hia i roto i te mataeinaa.                                                                                    | 28 00  |
| Punaauia, no te to i hoo hia i roto i te mataeinaa.                                                                                                      | 45 00  |
| Papara, e maha ahuru ma vau paero uhi                                                                                                                    | 440 00 |
| Papeuriri, e maha paero uhi, e toru ahuru ma toru taro, e pae haapee arahu.                                                                              | 91 00  |
| Toahotu, e ono paero umara e vau paero uhi.                                                                                                              | 180 00 |
| Vairao, e maha paero uhi.                                                                                                                                | 60 00  |
| Mataoe, hoe ahuru paero umara, e maha paero uhi.                                                                                                         | 160 00 |
| Mahana, e piti paero uhi e te afa.                                                                                                                       | 37 50  |
| Haapiti e Teavaro, e vau setere vahie, e piti paero e ono ahuru ma maha haapee umara.                                                                    | 126 33 |
| Matea, hoe ahuru paero umara.                                                                                                                            | 100 00 |
| Aita roa, e maha toe i roto i te fare toa, e tia i te mau mataeinaa toa ia afai mai i te maha i roto i te mau aua hau: Te uhi, te umara e te vahie atoa. |        |

Ua faaite hia i roto i te VEA o te Tapati i oti aenei, e e umara pau tutua te vai nei i roto i te fare toa; e o tei hinaaro i te faaamu i ta ratou ra mau puua, e tia ia ia haere mai e hōo; e faarue anae hia taua mau umara ra no te mea ua pau i te tutua; ahiri i hoo hia mai e riro ia i te maha roa te hoo.

### Te mau pahi i tapae mai, mai te mahana 26 mai o Novema.

Patia ia Belegika o Octanie, tapena Radaa, mai Oahu mai. Tira piti marite o Sarah Abigail, tapena Folkinbury, mai Tarifonia mai.

Tira piti Borabora o Vini, tapena Vautrhey, mai Borabora mai.

Tira hoe beretane o Oberon, tapena Lyons, mai Manitia mai.

Tira piti farani o Emma, tapena Rede, mai Matuaita mai.

Tira piti farani o Berthe, mai Huahine mai.

Tira piti Rimatera o Beretai, tapena Tavita, mai Huahine mai.

### Te mau pahi i reva.

Tira piti marite o Excel, ua reva i Huahine.

Tira toru farani o Valentine, tapena Adam, ua reva i Batavia.

Tira piti marite o Sarah Abigail, tapena Fulkinsbury, ua reva i Sydney.

Tira piti marite o L. M. Yale, tapena Buckmann, ua reva i Tarifonia.

L. L.